

PRIMLJENO 22 12 2025			
Org. jed.	Broj	Prilog	Vrijednost
02-1	2307-1	1	1/25

UNIVERZITET U SARAJEVU
FAKULTET POLITIČKIH NAUKA

Komisija za izbor nastavnika (docenta) na naučnu oblast „Politologija“ Univerziteta u Sarajevu-Fakulteta političkih nauka

Sarajevo, 19.12.2025.godine

VIJEĆU FAKULTETA POLITIČKIH NAUKA - FAKULTET POLITIČKIH NAUKA

PREDMET: *Izveštaj komisije za izbor akademskog osoblja po raspisanom konkursu na naučnu oblast „Politologija“ s prijedlogom za izbor u zvanje docenta na naučnu oblast „Politologija“*

Na osnovu člana 121. Zakona o visokom obrazovanju ("Službene novine Kantona Sarajevo" broj 36/22, 28/25), člana 234. Statuta Univerziteta u Sarajevu, Odlukom o usvajanju dinamičkog plana potreba za raspisivanjem konkursa za izbor u zvanje za studijsku 2025/2026. godinu Univerziteta u Sarajevu - Fakulteta političkih nauka broj 02-1-1202-1/25 od 10.06.2025. godine (Pozicija 2) Prijedloga Odluke Vijeća Univerziteta u Sarajevu - Fakulteta političkih nauka broj: 02-1-1752-1/25 godine i Odluke Senata Univerziteta u Sarajevu 01-12-52/25 od 29.10.2025. godine u dnevnim novinama „Dnevni avaz" i na web stranici Fakulteta političkih nauka¹ raspisan je konkurs za izbor akademskog osoblja - nastavnika u zvanje docent na naučnu oblast „Politologija“ za jednog izvršioca (radni odnos na određeno vrijeme – 5 godina - sa punim radnim vremenom), a konkurs je ostao otvoren 15 (petnaest) dana od dana objavljivanja.

Po okončanju konkursne procedure, a na osnovu člana 123. Zakona o visokom obrazovanju ("Službene novine Kantona Sarajevo" broj 36/22, 28/25) po prethodnoj saglasnosti sekretara, Vijeće Fakulteta političkih nauka Univerziteta u Sarajevu na sjednici održanoj 02.11.2025. godine, donijelo je Odluku (broj: 02-1-2173-1/25) o imenovanju Komisije za izbor nastavnika.

¹ Konkurs na web stranici Fakulteta političkih nauka, link: <https://fpn.unsa.ba/b/konkurs-za-izbor-u-zvanje-docent-naucna-oblast-politologija/>

U Komisiju za izbor nastavnika - docenta na naučnu oblast „Politologija“ Fakulteta političkih nauka Univerziteta u Sarajevu, imenovani su članovi u sastavu:

1. **Prof. dr. Suad Kurtćehajić**, redovni profesor Univerziteta u Sarajevu Fakulteta političkih nauka na naučnoj oblasti „Politologija“, predsjednik;
2. **Prof. dr. Sead Turčalo** redovni profesor Univerziteta u Sarajevu Fakulteta političkih nauka na naučnoj oblasti „Sigurnosne i mirovne studije“, član;
3. **Prof. dr. Damir Kapidžić**, redovni profesor Univerziteta u Sarajevu Fakulteta političkih nauka na naučnoj oblasti „Politologija“, član.

Na raspisani konkurs za izbor akademskog osoblja za naučnonastavno zvanje docent na naučnu oblast „Politologija“ prijavila se jedna kandidatkinja i to:

- **dr. sc. Berina Beširović**

Komisija je dana 15.12.2025. godine zaprimila Dokumentaciju po konkursu za izbor akademskog osoblja i Potvrdu o urednosti pristigle prijave (broj:03-1-2263-1/25) od dana 15.12.2025. godine te Potvrdu o blagovremenosti pristigle prijave (broj:03-1-2218-1/25) od dana 05.12.2025. godine. Ovim potvrđama utvrđeno je da je kandidatkinja dr. sc. Berina Beširović dostavila blagovremenu i potpunu prijavu u skladu sa zakonskim uslovima navedenim u konkursu. Navedena potvrda sastavni je dio ovog Izvještaja. Uvidom u prijavu kandidatkinje, Komisija u navedenom sastavu u skladu sa članom 124. Zakona o visokom obrazovanju ("Službene novine Kantona Sarajevo" broj 36/22, 28/25) podnosi Vijeću Fakulteta političkih nauka u Sarajevu sljedeći:

I Z V J E Š T A J

sa prijedlogom za izbor u zvanje DOCENT

Izvještaj sadrži:

- I. Biografske podatke kandidatkinje
- II. Naučnoistraživački i stručni rad kandidatkinje
- III. Nastavno-pedagoški rad kandidatkinje
- IV. Završnu ocjenu Komisije sa prijedlogom za izbor.

I. OSNOVNI BIOGRAFSKI PODACI KANDIDATKINJE

Dr. sci. Berina Beširović rođena je 10. oktobra 1994. godine u Sarajevu, Bosna i Hercegovina. Svoje cjelokupno obrazovanje i akademsko usavršavanje vezala je za Sarajevo, gdje je razvila profesionalni, naučno-istraživački i društveni angažman. Od najranijih faza obrazovanja pokazivala je izuzetne akademske rezultate i liderske sposobnosti, što je kasnije potvrđeno brojnim priznanjima, nagradama i izborima na odgovorne funkcije u društveno-političkim i akademskim organizacijama. Udata je i majka djevojčice od četiri godine.

Obrazovanje i akademsko usavršavanje

Beširović je obrazovanje započela u programu International Baccalaureate pri Drugoj gimnaziji u Sarajevu, gdje je razvila snažne kompetencije iz oblasti historije, teatrologije i engleskog jezika, te stekla ključne vještine timskog rada, prezentacije i multikulturalne komunikacije. Na Fakultetu političkih nauka Univerziteta u Sarajevu završila je sva tri studijska ciklusa iz oblasti politologije, s fokusom na međunarodne odnose i diplomatiju i tako posjeduje naučnu vertikalu iz oblasti političkih nauka. Prvi ciklus uspješno je okončala te diplomirala 2016. godine, kao najbolja studentica generacije I ciklusa, što joj je donijelo prvu Zlatnu značku Univerziteta u Sarajevu. Magistrirala je 2018. godine, također kao najbolja studentica generacije II ciklusa, čime je po drugi put nagrađena Zlatnom značkom. Magistrirala je iz oblasti međunarodnih odnosa i diplomatije, savladavši visok nivo akademskog istraživanja i specijalizacije u oblasti međunarodne politike EU, globalizacije, međunarodnih organizacija i savremenih teorija diplomatije. Doktorske studije završila je 2025. godine na istom fakultetu, odbranivši doktorsku disertaciju pod naslovom *„Struktura državne vlasti u postdejtonskom periodu: perspektive i mogućnosti Bosne i Hercegovine na osnovama Dejtonskog mirovnog sporazuma“* kao jedna od najmlađih doktorantica Univerziteta u Sarajevu sa 30 godina. U svom istraživačkom radu obradila je kompleksnu temu ustavnopolitičke strukture Bosne i Hercegovine, sa posebnim fokusom na perspektive evropskih integracija i mogućnosti institucionalnog razvoja države.

Obavlja ili je obavljala sljedeće rukovodeće funkcije:

1. Predsjednica sekcije žena Sindikata trgovine Bosne i Hercegovine, Potpredsjednica Sindikata trgovine Bosne i Hercegovine (od oktobra 2025.)

Kao predsjednica Sekcije žena Sindikata radnika trgovine i uslužnih djelatnosti BiH (STBiH), a imenovanje na ovu poziciju, prema Statutu Udruženja znači imenovanje na poziciju potpredsjednice Udruženja i članice Upravnog odbora Udruženja, vodi rad na afirmaciji i osnaživanju ženskog članstva. Sekcija je formalno osnovana 2000. godine i ima za cilj reprezentaciju i prioritetnu zaštitu prava žena, posebno u pitanjima koja nisu dovoljno pokrivena u širem sindikalnom djelovanju. Kao potpredsjednica sindikata, podržava donošenje ključnih odluka u okviru Glavnog odbora i Kongresa, nastojeći osigurati proporcionalnu zastupljenost žena u strukturama odlučivanja i promicati rodno osjetljive inicijative. Značaj ove pozicije je u tome što potiče rodnu ravnopravnost unutar sindikata i osigurava da ženski glas ima stvarni utjecaj u odlukama, omogućava konkretnu podršku ženama u sindikatu kroz kampanje, edukacije i inicijative (npr. zbog nasilja na radnom mjestu ili radničkih prava), jača demokratske procese u sindikatu: sekcija je utjecala na proporcionalnu zastupljenost žena među delegatima Kongresa i u organima odlučivanja.

2. Predsjednica Skupštine Udruženja nastavnika FBiH (od novembra 2024.)

Kao predsjednica Skupštine Udruženja nastavnika, aktivno doprinosi razvoju i jačanju profesionalne zajednice prosvjetnih radnika, unapređenju kvaliteta obrazovanja i zaštiti profesionalnog integriteta nastavnika. U okviru ove uloge predsjedava sjednicama Skupštine, vodi procese donošenja strateški važnih odluka i osigurava da se glas i interesi članova udruženja ravnopravno uvažavaju. Poseban fokus posvećuje jačanju saradnje među nastavnicima, razmjeni primjera dobre prakse i zagovaranju boljih uslova rada u obrazovnom sistemu, vjerujući da snažna i povezana nastavna zajednica predstavlja temelj uspješnog razvoja društva.

3. Projekt menadžer u Bosanskoj akademiji nauka i umjetnosti „Kulin ban“ (od marta 2021.)

Kao projektni menadžer Bosanske akademije nauka i umjetnosti Kulin ban, odgovorna je za planiranje, koordinaciju i realizaciju projekata koji doprinose razvoju naučno-istraživačkog, obrazovnog i kulturnog djelovanja Akademije. U okviru ove pozicije upravlja projektnim timovima, partnerskim saradnjama i administrativnim procesima, te osigurava da se projektne

aktivnosti provode u skladu sa strateškom misijom Akademije i najvišim profesionalnim standardima. Poseban fokus stavlja na inicijative koje promovišu bosanskohercegovačku naučnu i umjetničku baštinu, jačanje međunarodne saradnje i kreiranje prostora za afirmaciju mladih naučnika i umjetnika. Tokom rada na ovoj poziciji Berina Beširović organizirala je, moderirala i rukovodila sa preko 40 naučnih skupova i okruglih stolova, 5 promocija knjiga, 4 komemoracije i jednom međunarodnom naučnom konferencijom.

4. Koordinatorica STBiH Youth za Sarajevo, s timom od 50 mladih aktivista (2012–2025)

Tokom svog angažmana, kandidatkinja je aktivno učestvovala, koordinirala i doprinosila realizaciji različitih aktivnosti usmjerenih na humanitarni rad, edukaciju i društvenu odgovornost. Učestvovala je u prikupljanju i dodjeli donacija, uključujući pripremu novogodišnjih paketića i pomoći domovima za nezbrinutu djecu (2014–2018), volontirala u staračkom domu (2018. i 2020.) te bila aktivna na Zimskom diplomatskom humanitarnom bazaru, gdje su sredstva u ime STBiH Youth četiri godine uzastopno bila dodjeljivana u humanitarne svrhe (2016–2019). Također je pružala moralnu i materijalnu podršku djeci oboljeloj od raka kroz sređivanje bašte i okućnice roditeljske kuće u Sarajevu (2018.) te dodjelu novogodišnjih paketića (2019.). Organizirala je 13 edukativnih kampova i seminara za mlade, učestvovala i vodila tri akcije čišćenja prirode (2020–2022.) radi podizanja ekološke svijesti, te aktivno sudjelovala u kongresima STBiH i strateškim sastancima mladih, planirajući buduće aktivnosti. U međunarodnom okviru, organizirala je i rukovodila studijskom posjetom norveškom sestrinskom sindikatu HK u Oslu, omogućivši mladima učešće na konferenciji o sindikalnom djelovanju i jačanju kapaciteta. Svojim angažmanom pokazala je visok stepen humanosti, društvene odgovornosti, empatije, profesionalnosti, kao i izvrsne sposobnosti timskog rada, organiziranja aktivnosti i komunikacije s različitim grupama korisnika. Ova potvrda se izdaje na lični zahtjev i može se koristiti u svrhu profesionalnog napredovanja, apliciranja za posao, stručnog usavršavanja, studentskih potreba ili drugih administrativnih procedura. Kao koordinatorica timova i projektnih aktivnosti realizovala je ukupno 18 individualnih projekata različitih obima – od edukativnih seminara, međunarodnih akademskih aktivnosti, flash mob kampanja, humanitarnih akcija, do aktivnosti javnog zagovaranja i predstavljanja projekata međunarodnim partnerima.

5. Program „Project Cycle Management and Stakeholder Engagement“

Berina Beširović je uspješno završila program „Project Cycle Management and Stakeholder Engagement“ u okviru Widening Europe Programme na European University Institute, održan od 2. do 5. decembra 2024. godine, te je za svoj angažman dobila Certifikat o učešću. Učešće na programu „Project Cycle Management and Stakeholder Engagement“ u okviru Widening Europe Programme Evropskog univerzitetskog instituta dodatno je unaprijedilo njene profesionalne kompetencije u oblasti upravljanja projektima, planiranja aktivnosti i angažovanja ključnih aktera. Stečeno znanje i vještine čine je kvalifikovanijom za pozicije koje zahtijevaju strateško razmišljanje, organizacijske sposobnosti i efikasnu koordinaciju timova. Ovaj certifikat potvrđuje njenu posvećenost kontinuiranom profesionalnom razvoju i sposobnost primjene međunarodnih standarda i najboljih praksi u projektima, što je čini snažnijim kandidatom za profesionalno napredovanje.

Istraživački rad, projekti i naučni doprinos

Beširović posjeduje bogato istraživačko iskustvo, sa angažmanima u više međunarodnih i domaćih projekata, uključujući:

- HORIZON EUROPE projekt „RE-ENGAGE“ (2024–2027) – istraživač
- UNICEF / UNESCO projekat „Medijska i informacijska pismenost u funkciji razvoja kritičkog mišljenja i zagovaranja mladih“ (2019–2020) – ekspert istraživač i voditelj radionica
- UNESCO projekt „Dijalog za budućnost“ (2020–2021) – ekspert istraživač

Nagrade i priznanja

- Zlatna značka Univerziteta u Sarajevu – najbolja studentica generacije (BA, 2016)
- Zlatna značka Univerziteta u Sarajevu – najbolja studentica generacije (MA, 2018)
- Zahvalnica PSOTC za akademski doprinos kursu o evroatlantskoj sigurnosti (2023)
- Zahvalnica FPN UNSA za doprinos internacionalizaciji (2024)
- Zahvalnica Instituta Doha (2025)

Jezičke i profesionalne vještine

Beširović tečno govori engleski jezik na nivou C2 u svim kategorijama (slušanje, čitanje, govor, pisanje, prezentacija). Posjeduje izražene komunikacijske i pregovaračke vještine, dugogodišnje iskustvo u moderiranju naučnih skupova, te napredne organizacijske i menadžerske sposobnosti,

uključujući upravljanje timovima, planiranje i evaluaciju projekata, te rad u multilokacijskim i multietničkim sredinama.

II. NAUČNOISTRAŽIVAČKI I STRUČNI RAD

U skladu sa uslovima navedenim u raspisanom Konkursu, kandidatkinja je uz prijavu dostavila listu objavljenih naučnih i stručnih radova, naučnoistraživačkih projekata, učešća na konferencijama, seminarima i naučnim skupovima, te priložila dokaze i primjerke objavljenih radova i drugog. Beširović je autorica i koautorica brojnih radova u uglednim domaćim i međunarodnim časopisima, uključujući one indeksirane u: SCOPUS-u, DOAJ-u, ERIH PLUS-u, EBSCO-u, CEEOL-u, Index Copernicusu, te drugim bazama.

Objavila je radove iz oblasti:

- uloge visokog predstavnika u BiH,
- međunarodnih odnosa i vanjske politike,
- populizma i migracija,
- interetničkog povjerenja u postkonfliktnim društvima,
- identitetskih politika u BiH,
- ustavnopravnih aspekata integracije BiH u EU.

Knjige:

1. *Beširović, B. (2018). Uloga institucije Visokog predstavnika u implementaciji Dejtonskog mirovnog sporazuma (1995–2006). Sarajevo: Autor.*

Poglavlja u knjigama:

1. Beširović, B. (2024). Bosnia's road to EU integration: The Constitution of Bosnia and Herzegovina between two conflicting narratives. In *The War against Ukraine, Europeanization and Impact on Cultural Heritage Narratives in the Candidate Countries* (p. 223-254). Cluj, Rumunija: Presa Universitara Clujena. ISBN 978-606-37-2350-6

Naučni radovi:

1. Beširović, B. (2017). Ujedinjene nacije su pale na ispitu Srebrenice 1995. godine. Međunarodna konferencija, Pregled – Časopis za društvena pitanja, 58(3), 227.
2. Beširović, B. (2017). Perspektiva mladih u Bosni i Hercegovini: mlade snage kao podrška integracijama. Godišnjak BZK Preporod, 17, 324.
3. Beširović, B. (2018). Sporazum Cvetković–Maček i njegove reperkusije na dogovor između Miloševića i Tuđmana u Karađorđevu. Pregled – Časopis za društvena pitanja, 59(3), 73.
4. Beširović, B. (2018). Bosna u Kraljevini Jugoslaviji. Godišnjak BZK Preporod, 18, 517.
5. Beširović, B. (2020). Desničarski populizam i migracije: komparacija English Defence League (EDL) i Alternative für Deutschland (AfD). Gračanički glasnik – Časopis za kulturnu historiju, 25(49), 29.
6. Beširović, B. (2020). Oспорavanje bošnjačkog identiteta od strane velikodržavnih koncepcija susjeda. U Zborniku radova sa simpozija održanih u Islamskom centru Zagreb 2018. i 2019. – Odnos religije spram politike i nacije (str. 295). Mešihat Islamske zajednice u Hrvatskoj.
7. Beširović, B. (2020). Uloga Paddyja Ashdowna kao visokog predstavnika u Bosni i Hercegovini. Pregled – Časopis za društvena pitanja, 61(2), 159-183. Univerzitet u Sarajevu Časopis je indeksiran u: EBSCO, CEEOL, Slavic Humanities Index, COBISS.
8. Beširović, B. (2020). Strateški ciljevi američke politike na Bliskom istoku za vrijeme Trumpovog mandata. Sarajevo Social Science Review, 9(2), 61-79. Časopis je indeksiran u bazama: CEEOL i EBSCO.
9. Beširović, B. (2022). Islamska republika Iran i šerijat u odnosu na prava žena – represija režima u protestima u periodu 2019-2022. Godišnjak Pravnog Fakulteta Univerziteta „Džemal Bijedić“ u Mostaru, 6(6), 375-393. Časopis je indeksiran u: EBSCO
10. Beširović, B., & Bingisai, K. C. (2024). Lack of trust between ethnic groups in post-ethnic conflict societies: Cases of Zimbabwe and Bosnia-Herzegovina. Društvene i humanističke studije (DHS), 9(2(26)), 333-352. ISSN: 2490-3604 (print) / 2490-3647 (online). Časopis je indeksiran u bazama: DOAJ, CEEOL, Index Copernicus, ERIH PLUS.
11. Beširović, B. (2025). Uloga institucije Visokog predstavnika u implementaciji Dejtonskog mirovnog sporazuma sa posebnim osvrtom na perspektivu evrounijskih integracija. Historijski pogledi, 8(14), 444–467. Časopis je indeksiran u: SCOPUS, CEEOL, ERIH PLUS, COBISS BH.

Učešće na konferencijama i stručnim skupovima

Beširović se predstavila na desetinama naučnih konferencija u BiH i inostranstvu. Izlagala je u:

- Sarajevu, Tuzli, Mostaru, Trebinju
- Zagrebu
- Budimpešti
- Cluj-Napocci
- Salzburgu
- Istanbulu
- Oslu
- Trondheimu
- Cape Townu
- Krakovu

Učestvovala je na međunarodnim konferencijama o integracijama BiH, historijskim procesima, genocidu, evropskoj politici prema susjedstvu, odnosima identiteta i nacije, kao i političkom poretku Balkana.

Lista konferencija i seminara:

1. Domaće konferencije

- "Bosna i Hercegovina i bosanski narod, Položaj mladih u BiH - 7. konferencija" Svjetski bošnjački kongres. Sarajevo, (2017)
- "NATO konferencija o važnosti priključenja BiH Atlanskom vijeću" Atlantska inicijativa. Međugorje, (2018)
- "Konferencija žena o rodnoj ravnopravnosti na radnom mjestu" Sarajevo, (2018)
- "Kako uspješno pripremiti Vaš projektni prijedlog", Izvršna agencija za obrazovanje, audiovizuelnu i kulturnu podršku. Sarajevo, (2018)
- "Mreža podrške pravdi" Okrugli sto Helsinškog odbora za ljudska prava o procesuiranju ratnih zločinaca. Sarajevo, (2018)

2. Međunarodne konferencije

- Sarajevo, Potočari, Tuzla (BiH) Međunarodna naučna konferencija pod naslovom: "Srebrenica 1995-2015: Evaluacija naslijeđa i dugoročnih posljedica genocida" (9-11. juli 2015. godine)

- Salzburg (Austrija) Expert seminar na temu: „EU Neighbourhood policy 2019“; Mobilnost osoblja - Fakultet političkih i društvenih nauka Univerziteta u Salzburgu (POSIG); Salzburg, Austrija; (4. april 2019 - 14. april 2019)
- Sarajevo (BiH): Međunarodna naučna konferencija: "Društvo i država nakon nezavisnosti"(27.02.2023. godine)
- Budimpešta (Mađarska): Međunarodna naučna konferencija pod naslovom: “The European Integration Prospects of Bosnia and Herzegovina in Light of the Sarajevo-Budapest Relationship” (4. maj 2023. godine)
- Cluj-Napocca (Rumunija): Međunarodna naučna konferencija pod naslovom: “Revisiting cultural patrimony narratives in the EU’s candidate states amid Russia’s war of aggression against Ukraine” Faculty of European Studies and DYCLAM+ Erasmus Mundus Project (24. novembar 2023. godine)
- Sarajevo (BiH): Međunarodna naučna konferencija pod naslovom: “Integrating Bosnia and Herzegovina in the EU: Overcoming Misperceptions” (4. decembar 2023. godine)
- Sarajevo (BiH): Međunarodna naučna konferencija pod naslovom: “Narod, nacija i religija u Savremenom svijetu i Bosni i Hercegovini” (16. decembar 2023. godine)
- Tuzla (BiH): Međunarodna naučna konferencija: "IZMEĐU ISTOKA I ZAPADA: Bosna i Hercegovina u žiži historijskih procesa i događaja (1699-2024)". (21. i 22. Novembar 2024. godine)
- Krakov (Poljska): Međunarodna naučna konferencija: “Political order in the Balkans - stabilizing and destabilizing factors” (23. i 24. juni 2025. godine)
- Tuzla (BiH): Međunarodna naučna konferencija: “STOLJEĆE SVJETSKIH KATAKLIZMI: Ratni zločini i genocid u Bosni i Hercegovini u XX stoljeću“(21. i 22. novembar 2025. godine)

3. Trening seminari:

- Sarajevo (BiH): Trening „Upravljanje projektnim ciklusom i uključivanje zainteresovanih strana “(02-05. decembar 2024. godine)

Doprinos nastavi, fakultetu i akademskoj zajednici

Kroz svoj višegodišnji rad na Fakultetu političkih nauka Berina Beširović značajno je doprinijela:

- unapređenju nastavnog procesa
- organizaciji fakultetskih događaja
- razvoju studentskih aktivnosti
- internacionalizaciji studija
- radu fakultetskih komisija i odbora
- jačanju naučno-istraživačkog outputa Fakulteta

Posebno se ističe Zahvalnica Instituta za istraživanje humanitarnih akcija i upravljanja konfliktima Doha za 2025. godinu, kao i Zahvalnica Fakulteta političkih nauka za podršku internacionalizaciji aktivnosti tokom 2024. godine.

- Organizovano, planirano i sprovedeno 18 projekata sa timom, uključujući: edukativne seminare, promocije, flash mob, prikupljanje sredstava za siročad, podizanje sredstava za žrtve poplave u BiH u 2015. godini, team – building aktivnosti itd.
- Naučno – istraživački projekat: “Medijska i informacijska pismenost u funkciji razvoja kritičkog mišljenja i zagovaranja mladih”; FPNUNSA, UNICEF, UNESCO; vrijeme trajanja: juli 2019-januar 2020; pozicija: Ekspert istraživač i Voditelj radionice na temu: Javno zagovaranje i procjena potreba zajednice. (Voditelj projekta prof. dr. Emir Vajzović)
- Naučno – istraživački projekat: „Dijalog za budućnost: jačanje dijaloga i socijalne kohezije između i između Bosne i Hercegovine, Crne Gore i Srbije“ (FPN UNSA, UNESCO 2020/2021), Pozicija: Ekspert istraživač
- HORIZON EUROPE projekat: „Re-engaging with Neighbours in a state of War and Geopolitical Tensions (RE-ENGAGE) (2024-2027) Pozicija: Istraživač

III NASTAVNO-PEDAGOŠKI RAD

Kandidatkinja dr. sc. Berina Beširović posjeduje dugogodišnje iskustvo u radu sa studentima. U nastavnom procesu učestvuje od 2018. godine što je utvrđeno na osnovu dostavljene Potvrde o činjenicama iz službene evidencije broj: 01-3-2033-1/25 od 11.11.2025. godine.

Sa Fakultetom političkih nauka Univerziteta u Sarajevu povezana je od ranih studentskih dana, najprije kroz doprinos studentskim i fakultetskim aktivnostima, a od 2018. godine i kroz radno angažovanje u nastavi i administraciji.

Od 2018. do 2021. godine radila je kao asistentica na Odsjeku za politologiju, smjer Međunarodni odnosi i diplomatija / Upravljanje državom. Tokom tog perioda preuzela je i niz fakultetskih funkcija, uključujući:

- sekretar Odsjeka za politologiju koju od 2018. godine obavlja sve do danas,
- sekretar fakultetskog časopisa Sarajevo Social Science Review,
- sekretar Etičkog odbora FPN-a,
- koordinatorica za treći ciklus studija u periodu od 2018 do 2021.

U aprilu 2021. godine izabrana je u zvanje višeg asistenta na Odsjeku za politologiju, čime započinje intenzivniji rad u nastavi i naučno-istraživačkom radu. Kao viši asistent uključena je u izvođenje vježbi, rad sa studentima svih ciklusa, te kontinuirano učestvuje u projektima i naučnim aktivnostima Fakulteta. U nastavni proces uključena je u punom kapacitetu, sa kontinuiranim angažmanom od 2018. godine do danas i to na predmetima koji se slušaju na dodiplomskom i master studiju. Kao saradnica bila je ili trenutno je angažovana na predmetima: *Osnovi prava, Teorija države, Politički sistem Bosne i Hercegovine i Komparativna politika* na prvom ciklusu, a na drugom ciklusu angažovana je na predmetima *Ustavni sistemi, Uvod u međunarodno javno pravo i Međunarodne pravosudne institucije* dok je također asistirala i na predmetima kao što su: *Mediji i međunarodna politika, Diplomatski protokol i Energija i sigurnost*. Nakon svakog semestra vrši se evaluacija predmetnih nastavnika i saradnika od strane studenata i studentica koji su slušali nastavu. Na osnovu *Izveštaja o evaluaciji nastave za akademsku 2024/2025. godinu* koji su priloženi uz dokumentaciju, saradnik viši asistent dr. Berina Beširović je ocijenjena sa visokom srednjom ocjenom 4.99/5.00 za zimski semestar 2024/2025. godine sa srednjom ocjenom za četiri predmeta i sa visokom srednjom ocjenom od 4.81/5.00 za ljetni semestar 2024/2025. godine za tri predmeta što samo po sebi govori o kvaliteti koju su studenti i studentice prepoznali na vježbama iz pomenutih predmeta.

IV ZAVRŠNA OCJENA KOMISIJE SA PRIJEDLOGOM ZA IZBOR

Na osnovu uvida u Konkursom traženu i dostavljenu dokumentaciju, te uvažavajući sve činjenice navedene u prethodnom dijelu Izvještaja, Komisija za izbor nastavnika - docenta na naučnu oblast „Politologija“ Fakulteta političkih nauka Univerziteta u Sarajevu konstatuje sljedeće:

Na Konkurs za izbor akademskog osoblja - nastavnika u zvanje docent na naučnu oblast „Politologija“ za jednog izvršioca (radni odnos na određeno vrijeme s punim radnim vremenom), a koji je bio objavljen 10.11.2025. godine u dnevnim novinama „Dnevni avaz“ i na web stranici Fakulteta političkih nauka prijavila se jedna kandidatkinja - **dr. sc. Berina Beširović**.

Prijava na Konkurs, kandidatkinje dr. sc. Berine Beširović, potpuna je i blagovremena uz priloženu traženu dokumentaciju, a u skladu s uslovima konkursa.

Uvidom u dostavljenu dokumentaciju kandidatkinje, Komisija konstatuje:

- Dr. sc. Berina Beširović je izabrana u zvanje asistenta i višeg asistenta na naučnoj oblasti „Politologija“ i u ovim zvanjima je provela zakonom predviđen vremenski period, čime je ostvaren kontinuitet u oblasti za koju se bira;
- Objavila je 1 knjigu, 1 poglavlje u knjizi i 11 naučnih radova (od kojih je većina kategorisana kao izvorni znanstveni radovi u referentnim časopisima i zbornicima).
- Aktivno je učestvovala na 15 domaćih i međunarodnih konferencija sa referatima - izlagač;
- Učestvovala je na preko 70 događaja (konferencije, seminari, okrugli stolovi, edukacije, akademske tribine) u svrsi moderatora, projektnog evaluatora i drugo;
- Učestvovala je u organiziranju 3 studijske posjete stranih studenata na Fakultetu političkih nauka i bila članica organizacionih odbora u organiziranju konferencija, naučnih skupova, edukacija;
- Učestvovala u četiri značajna naučnoistraživačka projekata u svojstvu projektnog asistenta, istraživača, eksperta i saradnika;
- Realizovala je značajan broj edukacija sa različitim učesnicima (studenti, akademsko osoblje, radnici iz privatnog sektora);
- Aktivno je učestvovala u radu Fakulteta političkih nauka Sarajevo, kao sekretar časopisa SSSR, te kao koordinator na Interdisciplinarnom doktorskom studiju, istraživačko polje Politologije, generacije 2018/19. Također, aktivno je učestvovala u radu Odsjeka za politologiju kao sekretar i koordinator različitih događaja;

- Posjeduje dugogodišnje iskustvo u radu sa studentima, izražene nastavničke i pedagoške sposobnosti stečene dosadašnjim angažmanom u nastavnom procesu;
- Kroz dosadašnji rad sa studentima kandidatkinja je postigla zapažene rezultate što potvrđuju studentske evaluacije nastavnog procesa i nastavnog osoblja;
- Njen angažman u drugim Udruženjima kao i rukovodeće pozicije koje obavlja kao predsjednica Skupštine Udruženja nastavnika Federacije Bosne i Hercegovine i kao predsjednica Sekcije žena Sindikata trgovine i uslužnih djelatnosti Bosne i Hercegovine govore o njenoj radnoj etici, predanom i vrijednom radu koji je prepoznat na više frontova te njenom profiliranju u akademskoj zajednici, pitanjima ljudskih prava, radnog zakonodavstva, političkog sistema BiH, rodno zasnovanih pitanja i javnog zagovaranja;
- Kandidatkinja je u toku dosadašnjeg rada i angažmana u nastavnom procesu, kao i vršenju dužnosti sekretara fakultetskog časopisa, koordinatora na Interdisciplinarnom doktorskom studiju, te sekretara Odsjeka za politologiju svoje obaveze obavljala savjesno i profesionalno uz izuzetno korektan odnos prema nastavnicima, kolegama i studentima.

Komisija zaključuje da kandidatkinja dr. sc. Berina Beširović ispunjava sve Zakonom propisane uslove, u smislu naučnog stepena doktora nauka u konkretnoj oblasti, najmanje tri naučna rada objavljena u priznatim publikacijama koje se nalaze u relevantnim naučnim bazama podataka, pokazane nastavničke sposobnosti, o čemu postoje vjerodostojni i pouzdani dokazi koje je kandidatkinja priložila uz svoju prijavu.

Iz navedenog, kao i analize naučne, stručne i nastavne djelatnosti, mišljenja smo da **kandidatkinja dr. sc. Berina Beširović posjeduje potrebne naučne, stručne i nastavne kvalifikacije za izbor u nastavno zvanje docent na naučnoj oblasti „Politologija“ na Univerzitetu u Sarajevu Fakultetu političkih nauka.**

PRIJEDLOG KOMISIJE

Na osnovu ovog Izvještaja i njegovih zaključaka Komisija za pripremanje prijedloga za izbor nastavnika - docenta na naučnu oblast „Politologija“ Univerziteta u Sarajevu Fakulteta političkih nauka, a po raspisanom Konkursu za naučnu oblast „Politologija“, predlaže Vijeću Fakulteta političkih nauka Univerziteta u Sarajevu da prihvati ovaj Izvještaj s prijedlogom da se kandidatkinja dr. sc. Berina Beširović izabere u zvanje docent na naučnu oblast „Politologija“, te da taj prijedlog Vijeće Fakulteta političkih nauka Univerziteta u Sarajevu proslijedi Senatu Univerziteta u Sarajevu u dalju proceduru.

Sarajevo, 19.12.2025. godine

Članovi Komisije:

